



QUÆSTIO MEDICA

CARDINALITIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 24. Martij.

M. HERMANNO DE LAUNAY,

DOCTORE MEDICO, PRÆSIDE.

An Panis satietas omnium pessima?

I.

INSITUS Calor, animæ in suis functionibus obeundis præcipuus administer, suum quia carpit assiduo pabulum, novam subindè requirit succi auxiliaris accessionem, quâ jugis virium triplicisque quâ constamus substantiæ jaçturâ refarciatur. Huic Altrix facultas incumbit muneri Audricæ ac Procreatrice præstantior, indefinenti scilicet à primo ad extremum usque vitæ spiritum actione, quâ operam utrique numquàm non confert suam, convenientemque ambabus materiam neutrius egena suppeditat. Id ut commodius fiat, insitus est à naturâ stomacho penuriæ sensus, cujus beneficio sagax ille annonæ Præfectus cibos aliquà nobiscum communione conjunctos appetit, trahit, asservat, & coquit. At illi ita primùm elaborati,

A

tum in variis quas postmodum permeant partibus varias alterationes multiplicesque coctionum gradus adepti, oppositas exuunt qualitates, suamque ipsam ponunt, ut alendi corporis naturam induant, ad vitam nimirum, quæ nutritione servatur, tum individui tum speciei ratione tuendam.

II.

ALIMENTUM omne vel cibus est vel potus. Utrumque in plantis aut animalibus reperire est, alibi nusquam. Verum inter ea quæ è vegetalibus eruantur *τροφώματα* primas tenet triticum, ex quo Panis conficitur ciborum omnium *αρχηγραιμάτης*. Ille mensas omnes aperit, comitatur, exornat & claudit; ut vix definias an majoris sit necessitatis an dignitatis. Dapibus omnibus gratiam salubritatemque conciliat. Suaves ori acceptæque ventriculo, illius permixtione, novo condiantur suavitatis incremento: Salæ, acres, acidæ aut amaræ, depositâ magnâ molesti sui saporis parte, palato magis arrident: prorsus ut nullæ absque ipso, cum ipso sapiant omnes. Eum, etsi quotidie ingeramus, toto tamen vitæ decursu semper appetimus, ejusque nec tædet nos umquam, nec pœnitet. Omni omnino ætati, regioni, utrique sexui familiaris; nulli non temperiei, etiam leviter febricitantibus conveniens, & mediæ sortis homines alit, & promiscuè subit pauperum tabernas, Regumque turres. Quin & eo penè uno dura firmantur messorum & agricolarum ilia. Illius usu impune carere nemo sanus potest. In morbum inclinantibus ejus appetentia postrema dejicitur; convalescentibus prima revocarur: & cum fastidium omne prævum sit; Panis *ἀποτίμια* omnium deterior habenda est.

III.

CEREALIUM omnium ut in conficiendo Pane rarior est & insalubrior usus; sic tritici frequentior atque salubrior. Illud maturum, mundumque, fractu contumax, substantiâ densum, pondere gravè, aureum colore, lucidum specie, tres ante menses in pingui solo demessum, tandemque molis tritum genuinam nobis panis optimi materiam exhibet. Hujus variæ species pro substantiæ diversitate varioque præparationis modo multum à se invicem discrepant. Omnibus longè antecellit siligineus, qui repurgatiore farinâ constans, plurimum purissimumque & *ἰσχυράντων* corpori tribuit alimentum. Huic tum bonitate tum nutritionis copiâ cedit similacens ex purâ quidem farinâ sed magis excusâ conflatus. Tertium obtinet locum *αὐτάνυρος* seu *αὐτοκνιστός* qui ex totâ farinâ nusquam à fursure secretâ concinnatus, parcius quidem alit sed blandè aluum movet. Gregarius demum seu sordidus, farinæ tantillū, fursuris plurimūm continens, ægrè coquitur, parum nutrit, & nimîâ excrementorum mole naturam gravat. Porro aquâ limpidissimâ maceratus, fermentoque recenti perfusus, non cerevisiæ spumâ adulteratus, *ἰσχυρὸς* est. Modico sale aspersus, levior. Affusâ subinde novâ farinâ subactus, ac pluries indefesso labore hæc illiæque versatus, *ἰσχυρὰ* fortis. In clibano, coctis æqualiter igne moderato tam internis quam externis partibus, nec assatur aut amarescit, nec suo lentore ventrem

inflat obstruitque viscera. Crustæ quæ siccior est, cum medullâ quæ humidior, fida est admodum salubrisque societas.

IV.

PARATUS eâ cautione Panis eduliorum omnium salubritate princeps est. Ad amussim quippe temperatus, nascentes ab intemperie morbos procreare nequit. Alimenti plurimum ejusque firmissimi continens, minimum reponit excrementi. Coctu facilis coquenti ventriculo nihil facessit negotij. *Ευαράδωρος* procreandis, unde morborum origo frequentior, obstructionibus minus est accommodatus. A fermento quippe & sale tritici visciditas frangitur, superfluus absorbetur humor, terrenarumque partium crassities inciditur, unde non mediocris illi levitas conciliatur. His verò si accedat diuturnior ac contumax pastæ subagitatio, vix est quod amplius ad Panis bonitatem possit desiderari. Illius enim ope, fermenti, salis, & aquæ substantia & vires subeunt altius, & intimas quasque pervadunt pastæ particulas: ut inde disupto glutine solutis, oculatus, & concoctu facilis evadat, & citò ad singulas corporis partes diffundatur. Inanis tamen futurus est omnis panificij labor, ni cilibani moderatus ignis singulas ex æquo intus forisque partes ad debitum coctionis modum perducatur. Impar longè est atque inferior subcineritij focarii que panis conditio, quorum extrema plerumque superficies adurit, crudioribus interim, & nullam aut certè leviorē ignis energiam expertis, quæ medullam constituunt, partibus.

V.

CIBORUM genus omne tantò à laudabili Panis temperie recedit, quantò calidius humidiusque est ac corruptioni opportunum. Terrestrium animalium carò, fecunda cæspitantis in ventriculo colluviei parens, oris fœtorem, excrementorum *δυσωδίας* insignem parit, putridis malignisque febribus & gravissimis viscerum inflammationibus materiam præbet. Vix autem in *ὕπεκκαυμάτων* numerum pisces referas, qui in aquâ inertis ac sterili elemento nati, pituitæ plurimum, parùm suggerunt sanguinis, & prostratas vires excrementis obruunt magis quam, alibili succo reficiunt. Indomitæ propter crassitiem indolis legumina stomachum gravant, oculorum ac mentis aciem obtundunt, status multos gignunt, spiritus exagitant, *ὕπνους δυσνήρους*, crurum imbecillitatem, *γυναικίας*, ac tandem *καχέξιας* inducunt. Olerum substantia *δυσωσπτος*, dum impuritatem plurimâ primam corporis regionem infarcit, paucissimo alimento reliquum corpus sustentat. Omnis pene fructus aut humiditate dissolvitur immodicâ quæ fugacem succum suppeditat, aut duritie carnis agrè subigitur. Quæ tandem tam homine indigna censetur vinisatieta, quam noxia valetudini, quam insensa visceribus, quæ morborum *παραπλησίαν*, hebetudinem anini, tremorem, paralyism, hydropem, ac sensim non intellectam senectutem festinantemque mortem accersit. Sed quantum à vitiosis alimentis hisce omnibus Panis natura dissidet, qui *ὕμματος* ac remisso admodum calore pollens exarefcit potius plures servandus in annos, quàm corruptionem subeat, & metuendos

à nimio carniū usu morbos procreet. Levitate & raritate suā leguminum
 crassitie adversatur. Suā *εὐπεψία*, à contumaci olerum cruditate alienus est.
 At suā puritate singulari, ab excrementitiā fructuum substantiā recedit plu-
 rimūm. Humorem denique primigenium, quem depascitur ebrietas, non
 modò non absumit, sed facillimè ac liberaliter instaurat, diuque saluum
 & incolumem tuetur.

Non ergo Paris satietas omnium pessima.

Proponebat Lutetiæ PETRUS YON, Parisinus,
 A. R. S. H. MDCLXXII.



PARISIIS,

Ex Typographiâ FRANCISCI MUGUET, Regis &
 Illustrissimi Archiepiscopi Typographi, viâ Citharæ.